

北京圖書館出版社

清末時事采新彙選

第十三冊



(清末)時事采新彙選

第十三冊

北京圖書館出版社

光緒二十二年四月

光緒三十一年四月十六日

兵部太僕寺廂白旗值日無引

見 記名總兵

署廣東水師提督李準謝

恩 張鐸預備

召見 意公續假十日 崇勳請假五日

召見軍機 李準 張鐸

上諭本日召見之四川補用道張鐸著留原省以道員卽補仍交軍機處存記欽此

諭旨恭錄

光緒乙巳四月十六日

粵鹽局贛州府會稟加派委員查辦龍南縣鹽案稟

錄時報

敬稟者竊照龍南縣屬臨江汶龍兩墟鹽卡被鹽販棍徒糾眾搶燬拒傷勇丁並入城搶劫廣幫鋪戶暨教民店房一案節經卑府等稟請巡憲調撥標防各營並分別委員會同該縣嚴拿究辦並將開卡情形通稟各在案茲據委員高照磨洵萬從九象春稟稱查此案起釁情由實因在籍已革江陰縣丞廖國萬開設紙行恃教壟斷輿論不服屢次被人控告前代縣周令衍祐會經諭飭停歇上年文令抵任未及查明遽准復開以致人心愈忿屢思藉端毀槍謠譟繁興已非一日迨九月間整頓口捐添設分卡並時事采新彙選第四卷 一 乙巳四月十六日刊

招在贛粵商集股開設官鹽總店實爲便於肩販起見是以開辦三月相安無事捐收亦旺查該縣鹽販向有客幫土幫之分客幫係由惠州肩販來縣者土幫係本地自到惠州挑運者惟客幫挑鹽分赴各處一時難以銷售必求本地鋪戶代爲分銷而鋪戶往往抑勒其價又不能沿街求售耗費食用只得明受虧折此次官店一設各販隨到隨售既不至多延時日又可以代繳口捐大爲稱便若土幫則自販自賣久暫不計且鹽到不旺之時復可任意居奇今設口捐心不能甘兼之代售鋪戶不能壟斷而劣矜棍徒復暗中鼓惑每以紙行鹽店爲該邑之蠹必欲設法驅除勾連煽惑計圖一逞適十一月二十一日臨江分

卡因鹽販蔡明丁等藉眾抗捐經縣派差查拿該處棍徒謝富廷乘機糾集多人將卡搶毀一空毆傷勇丁二人並司事巡役逃無下落後方查獲卡員劉縣丞際春報經文令遲至二十五日始行至墟查勘而搶犯又無一獲以至十二月十二日汝龍鹽卡又被搶毀十六日竟糾眾入城將教民廖國萬所開紙店藥店並官鹽總店廣裕各店均被搶毀併計贓物數實不資幸當日城守張把總廣平暨防營賴哨弁名魁督帶兵勇飛馳彈壓並當場拿獲匪犯數名送縣押究復經文令稟奉憲檄調九渡水之續備軍勇二十名並萬幫統督帶標防兵丁二百名於去臘二十九及正月初二等日先後到縣匪黨聞風畏懼一律解散

時事采新彙選第四卷

乙巳四月十六日刊

城廂內外亦均照常安靜惟卑職等奉委辦理此案已經匝月僅獲從犯二名屢就文令商議辦法並向各紳訓切勸諭祇以人微言輕遇事掣肘卑職等再四思維與其曠日持久貽誤事機何若據實稟明案期速結懇乞迅賜另委明幹之員來縣查辦等情前來卑府等於該委員未曾來稟之先即聞文令辦事與營委未能妥協商議地方公正紳耆亦多退縮不前嗣聞該縣舉人廖光玖來至郡城向其查詢情形與該委員等所稟大旨相同卑府等以為此事關係稅項糾搶卡店天主教士復來過問若不官紳一氣拿犯追贓嚴訊究辦稅務何堪設想刁悍愈難懲治當向該舉人責以大義不可閉戶自守該舉人深明事理

允即回縣幫同查辦並稱龍南尚有紳士舉人廖光墀保防局紳董王秉鈞等明白諸練堪以幫同辦事卑府等即囑趕緊回縣正在加派委員前往會縣督紳查辦之際適該委員等具稟到局卑府等查此案棍徒糾眾入城毀搶卡店案情重大文令身任地方既未能先事預防釀成巨案迫卑府等委員隨營馳往辦理自應不分畛域和衷共濟會同營委曉諭紳耆勒交贓犯規復卡店乃為日既久該印委于獲犯追贓毫無端倪事關糾搶延及教民豈容任意宕延亟應加委委員會辦查有在郡辦理捐務試用知縣林令品珊辦事勤謹情形熟悉尚堪勝任除札委前往會同營縣齊集紳董迅速勒拿首要各犯務獲追贓從

時事采新彙選第四卷

乙巳四月十六日刊

嚴訊究稟候懲辦外理合稟請大人俯賜察核批示祇遵肅此云云

論中國宜經營西北西南國防

錄中外日報

近者英藏新約中國特派專使爭辨良久尚未訂結而瞻對及巴塘之土番又適有戕使鬧教之舉記者觀此而深望我之政府以後於西北西南之國防不可不加之意也夫英藏之約與俄日之戰事屬已往所謂干涉藏事之政略與夫曠廢蒙人之謀議皆已折而入於他手事後力爭補救已遲何如於藩籬未失之地蠻觸角立之族施以經略布其政化免使後來之人再用外交之手段乘機啟釁利用其人而侵略其土猶足收綢繆牖戶之效耶謹按

本朝入關以後所關屬土曰蒙古曰新疆曰西藏今者內政失修外權日侵我之屬土亦日見侵削內外蒙古其在東部與北部者自日俄開戰以來土地民族已無自存之理其可僅得圖存者惟有西部蒙古而已至於新疆伊犁名雖服屬於我然自張格爾之亂以來彼族之人久已為斯拉夫族入中亞侵略政策之所牽掣且西域克復以後我之官吏其待遇彼族亦不能加意綏輯轉以淫暴苛虐為治其失民心也蓋已久矣設使外人利用此機陰相煽動則華離之舉翹足可俟此西北國防之可慮者一也今者西藏既去川藏之交為之屏蔽者惟有上下瞻對及巴塘裏塘諸土司而已目今既有蠢蠢欲動之勢則日後叛

時事采新彙選第四卷

四

乙巳四月十六日刊

略之事正復甚多其漸業已可觀者上下瞻對及裏塘巴塘其在今日實居川滇兩省交界之樞要考其形勢北足以拒強俄之侵略南足以杜滇邊鐵道經營權之侵入而經營滇桂之人亦必注意及此他人於此或有協商或有交爭記者非在局中固亦不能豫料然即此樞要之區而謂他人無一政策謀及於此則吾竊未敢信也是猶指川滇之交而言也至於川滇黔桂湘粵之交結黎獐犛錯處其間土司自治者有之改設流官者亦有之惟其政治之暴民族之爭欺壓之術無所不至前此兵變之事大率由官吏所激成而王師所指誅鋤不貸蠢彼蠻族雖無狡智遠謀足以驟然為變然恩怨之辨報復之心苟為生物盡

皆同具有前此憤恨之因復益以外人鼓動之勢則其事變之來正未可料是西南國防之可慮者二也嗚呼餽糴及米既有明徵曲突徙新宜毋滋後悔矣至於設法之政策蒙回兩族皆有舊時政俗教門以後待遇之法實宜去其干涉之政略而堅其自治之基礎西南各土族文化未開宜一律開闢其地監督其政治布其教化練其卒伍如是則藩衛既固而後患可免深望我之政府早定政策飭下地方大吏實力施行以患見揣之似較之虛談改法空言練兵相去遠甚未識實之世之知言者其又以為何如也

謹告杭衢嚴三府紳士 錄中外日報

時事采新彙選第四卷

五

乙巳四月十六日刊

昨日見浙江農工商礦總局札杭嚴衢三府公文略言協豐公司代表人柏士按亦作倍次欲辦杭州至江西邊界鐵路仰各該府即便會紳集議於該處地方興築鐵道有無窒礙明白詳覆云云本館按此項公文甫經發出除杭州外衢嚴二府尚未奉到將來集議時宗旨如何尙未可知惟三府紳士究可允許與否其關鍵止有兩端一宜統籌大局就其公利公害所在而定從違之宜一宜者求柏士承辦此路之由與夫外部王大臣在滬諸紳商對待柏士之情狀而後未議之先已有成算已議之後不致追悔事關三省之利害經過無數州縣無數關隘關繫無數人田園產業固未可草率以從事也

今試就第一端言之按柏士在京時其對於王大臣曾作何語蓋未可知惟據駐杭美領事之公文則知王大臣曾囑其前往本地與官紳商辦而已 見三月二十三日本報 此外部對待柏士之情形也及其至申則於二月十九及二十四日兩次邀集浙籍紳商會議此事據美領事公文言柏士前在上海曾集浙紳會云建造鐵路於本地大有利益惟事關商務須由商務局紳士集議云云此則在滬諸紳商對待柏士之實情也

據是言之外部既令柏士與本地官紳商辦在滬諸人又請其與本省商務局集議似杭衢嚴三府紳士固可一意允許無所用其爭執矣然近有人得京函者言外部於柏士此舉並無允許之詞實有辭謝之意故近者日本留學生具呈外部力爭三事其一卽爲浙粵鐵路之案聞外部反訝其無因至前不考事實是外部未嘗允許也在滬諸人固有建造鐵路於本地大有利益之語然固爲此語者實居少數此外固有不以爲然者亦有不置可否者以西人集議要事取決於多數之例言之則其所言已不足爲據且查當時爲首允許者實止數人其中隸杭籍者止一人其人實生長外省宦遊多年與故鄉父老久不相聞問是不得爲杭州之代表也其餘數人不特非杭籍并非衢嚴籍是不得爲三府之代表也則雖已公同允許固猶不足爲據也

藉曰如上所言皆不見明文不足以爲指駁之証則請諸

時事采新彙選 第四卷 乙巳四月十六日刊

君思之中國爲專制之國凡百要事皆決於政府政府所可誰敢否之今倍次以鐵路事商諸外部外部若真欲允許則何以反有與本地官紳商酌之語試問歷來政府與外人訂約築路開礦有先使承辦之外人商諸本省官紳之例乎則外部之意固可知也在滬諸人如果欲允許則何以又談諸本省商務局之紳士而請柏士與之集議試問歷來各省紳士與外人合辦路礦有請出面之外人商諸本地紳士之例乎則在滬諸人之意又可知也據此以推足知外部諸王大臣與夫在滬諸紳商實欲使身當其利害者自定其從違而不使日後或有怨言以致召誘或欲悔議以致爲難則固可想而知也而杭衢嚴三府之紳士宜有說以處此矣

七 乙巳四月十六日刊

今請再就利害言之按近時各埠之報章與夫日本留學生之雜誌其於外人在內地開鑛築路之禍害已言之甚詳茲可勿贅姑爲舉三端而論列之居今日若猶謂鐵路不可造之必有害則非特聞者不之信卽言者亦不能自圓其說然必資由我築路由我造而後主權在我他人不得而干涉是爲有利而無害若使資本由外人籌集工程由外人督辦則人爲主而我反爲客其爲後患豈可勝言試觀各處之路權其握於外人之手者爲利之事尙無所聞爲害之事則已百出而未有已大之則侵奪主權恢張勢力小之則凌辱土人虐待行旅輿言及此爲之寒心

浙粵一路豈可復蹈其轍其不可者一也或謂鐵路誠宜自造然值此民窮財盡之時安所得此巨款以興此大工則執事人抑有說矣試觀四川之川漢鐵路不已由川省自造乎江西之九南鐵路不已由江西省自造乎川省姑不論江西與浙江同為大省若謂江西能自造浙江不能自造則浙省之紳士母乃對於江西而有愧色乎建造鐵路需款固知甚巨籌款固知甚難然使得其人而任之而又明乎籌備之策調度之方則初不必震於其款項之重大而自有周轉之法夫何必假手外人既自失利權而又召異日之患也其不可者二也更試以最近之事言之粵漢鐵路廢約一案南皮制軍持之於上湘粵鄂三省紳士時事采新彙選卷四

八 乙巳四月十六日刊

爭之於下至今已及一年竭九牛拔一毛之力而尚無成議凡諸行省得不奉為殷鑒今試問浙粵鐵路若歸外人承造後萬一有如粵漢之已事將何以處之若使委心任運聽其自然亮非諸省紳民所願若將起而爭執則須費無數心力費無數唇舌而成否尚不可知即使能達其目的而又須費無數資財方能毀約是於造路之款外又須籌一毀約之款而糜費乃至倍徙諸紳士至彼時當有自悔其失算者夫與其悔之於後何如慎之於前其不可者三也

嗚呼言乎利害既如此言乎外部與在滬諸紳商之命意又如彼何去何從是所望於杭衢嚴三府之紳士

光緒三十一年四月十七日

刑部都察院大理寺廂紅旗值日刑部引 見十八名 廂藍旗六名 張鐸謝仍交軍機處存記 恩 興伯續假十日

召見軍機 葛寶華

上諭江蘇揚州府知府員缺著榮普補授欽此

諭摺彙存

光緒乙巳四月十七日

藩司通飭經過鐵路各州縣保護水利札

錄中外日報

爲札飭事案准督辦鐵路大京盛咨據滬甯鐵路總管理處沈道等稟稱案奉憲札據錫金嘉定等縣各紳董等稟鐵路經過河道勢將填塞懇請保全水利等情仰該道等卽與工程司格林森安速籌議稟復等因下處奉此伏查河道爲民生利賴之源固難概行填塞鐵路爲國家富強之政尤貴因地制宜必須兼籌並顧庶幾措施悉當職道等前經會議請派委員二員專司其事並由總工程司飭知各段工程司遇有鐵路經過河渠溝洫之處凡應建橋砌洞置管以及更改河道等事先期繪圖交由委員會同地方官與公正紳董商定曉諭鄉民再行動工等情稟復時事采新彙選錄第四卷

乙巳四月十七日刊

奉批照准在案現在滬錫軌道凡與水利攸關之處合卽選派幹員分段料理查有丁憂江蘇候補知州王牧斯沅堪以委充自滬至長專管水利委員江蘇候補通判陳倅欽錄堪以委充自長至錫專管水利委員以長邑虎邱之南五十六號木椿爲分段處所有滬錫兩段工程司伊富斯葛羅富等亦經格林森通飭遵辦該員薪水援照件護委員章程自到差之日起按照西歷每月各給銀六十兩公費銀四十兩舟資二十五兩由工程項下開支所有派員專管水利緣由稟報並請通飭經過各州縣一體遵辦等因准此合行札飭札府卽便轉飭鐵路經過各州縣一體遵照毋違此札

論北京宜設中日協會

錄順天時報

入二十世紀以來文明愈進社交愈繁往往起于國際之範圍而入於世界的觀念歐美列國爲紳士庶以嚶求之雅誼聯合異邦人士組織各種團體於焉棧通情交接新知如萬國法律學會國際法學會天學會地學會農學會電學會礦學會水產學會之屬同聲相應同氣相求闡揚造物之精能普及生人之利用尙矣次則軛車通問旌節相望吳札以貴介應聘贈劍徐君弦高以商人提師殺牛秦帥或則玉璫可買騰辯名卿或則縞紵交投歡聯羣雅瓊瑤競報茵軫連轡往往以私人交際關係邦交者極其趨勢直將合五洲萬國人羣而爲一大社會焉又豈僅國時事采新彙選錄第四卷

乙巳四月十七日刊

際法團之發達爲人道平和之符券已哉然則中等社交者固調和國際之樞機彌合邦交之媒介也立身於社會固不能絕交際而孑子獨行豈國也而可舍輔車唇齒之友邦以獨立於今日之世界哉矧乎邦交之疎密又必視兩感民相互之感情以爲斷也則雖謂五洲列國恩仇離合之故悉於中等社交操其券焉可也險矣哉東亞之風雲危矣哉中國之命運今固猶在懸崖轉石欲止不得止之時間而趨勢未有定也今固猶是大海飄蓬欲泊不得泊之剎那而定著未可知也然而天人之故生死之原固有不容蓄筮而決者存任時局萬變而此終不可變者則中日之親交是也自日英俄法兩同盟

對峙而中國遂爲列強競爭之焦點速日俄戰事終結中國將捲入兩洋激浪之盤渦無論戰局之久暫勝負如何中國他日自必親於保全主義一派而疎彼抱持侵略主義者改加盟英日爲我國今後必出之唯一方鍼可斷言也矧在日本人士早已引同種同文之親誼切同舟共濟之感情此東亞同文會與亞會所斤斤焉冀我上下感悟而贊同之以相與提携扶持共蹈大道者也今誠能聯合中日人士設一協會於北京建置會所以俱樂部聯其歡雅歌投壺情款互通於文讌以研究調查徵諸實政法學術宏益恒得於訪求更由是而解決世界之問題討論東亞之現勢扶黃人使再中永國交而彌固亦以俾野心之時事采新彙選第四卷

三 乙巳四月十七日刊

華弛狡敗之謀謬間之言無罅隙得入其有裨於東洋大局二國親交已屬不謬此但就國家方面言之耳至於社會方面中國賢士大夫雖頗與外人往還而其懷錮蔽之見對外人而生惡感者實占多數至於普通社會尤屬顯患非失於排外卽失於媚外愆者拘墟而黠者脂韋此尤中國人最大最深之痼疾不可不急施藥石者也今以中日協會爲其先導實行平等之交際化去中外之畛畦嚮導羣蒙匡正社會隱消人心之患啟其外競之知漸引致於大同無黃白之歧視內以發其愛國之心外以擴其世界之識夫而後內地維新之例可開租界法權之失可復也其他教育學術各方面其宏益始可殫述茲

不觀縷焉

更請徵其先例則英倫日本協會者創於日英同盟之先蓋英日兩國學士搢紳所共組立也其會長副會長兩國人更遞爲之觀其表面不過宴飲娛樂而已其精神則直足以誘起兩國國民互相親愛之熱誠於無形之中已爲日英同盟布其子種而植其根柢故同盟之成協會之力至多焉是此會者不啻代表日英兩國交而發皇其光彩者也近五年來因遊學之衆多而我國與日本中等社交蓋已加無限之親密今誠能步英日先例而直開中日協會於京師則其由社交以影響於國交者烏可量乎則請以鄙論爲先驅可也

時事采新彙選第四卷

四 乙巳四月十七日刊

政治書四 錄政書精華

韋爾生政羣源流論有言曰水與水逆波瀾生焉鬱閉不流潰圯成焉夫羣亦猶是也羣與羣接則爭離羣索居則封故而不進東方之國如印度如中國其閉關自守不與外通謂之索居言似過矣而實非過也其封於故如水之停滯不流夫人而知之洪水之後種人分徙意者中國印度之人其分徙之遺民歟何其進化之滯也衆人西徙彼獨遺後其始部各異俗亦難免于爭惟其俗雖各異而大略相同故當西人榛榛狉狉之世而禮教已盛行于中國及乎西國始有紀載而中國已安于守故自限于長城之內不與外接觸而行其一成而不易之禮教焉印度多山其

人爲山所域閉關自守各尊其教各世其業與中國無以大異也今夫此兩國也亦何嘗不爲同洲異族所犯而朝代屢易以撼其一成不變之局惟易代之主不過有其地取其財而已禮教沿用而不改此其所以凝滯而不進歟孟德斯鳩法意又有言曰東洲之民以根器輕靈之故其受感於外物者甚易然由此其心之能力亦衰多所靜受少所奮發是以神明之地常有其先入者以爲之主一誤之餘其天明內振以自拔於所誤者蓋不能矣此其國之法今德行風俗甚至不足重輕之事如衣飾者皆一受於前人不變以終古有遊其土所見於今者大抵皆千歲之所流傳也嗚呼韋孟二氏之言於中國羣治之退化

時事采錄彙選第四卷 五 乙巳四月十七日刊

停滯而不進可謂洞其原本矣夫一國羣治之進退與其國之氣候地形地質有密切之關係是故居溫帶之民則政治有進步居寒帶熱帶之民則政治無進步山國之民多分權平野之民多集權沿海線長之國文明之發達速沿海線短之國文明之發達遲國土過沃則於國之生存有害國土過瘠則於國之發生亦有害此德儒耶特羅政治學之說也請申言之蓋地當溫帶則其人民神經活潑故能達高度之文明營完美之政治試觀於歷史則夫留威名於青遼雄飛於宇內者大率位置於平均八度至十六度溫帶之中如德京柏林九度一分法京巴黎十度八分東京京都皆在是度一府七分東京華盛頓十二度五分日本東京十二度八分英京倫敦八度八分與京維也納若夫寒熱過度之地則其人民神

經委縮孱弱不耐艱苦執業粗陋不能營細密之事業練明敏之智計故寒熱兩帶之民皆不聞有若然雄視天下者蓋一則以生計極艱難之民逐逐衣食無暇於研求政治一則以生計極易之民心身遊樂亦無心於研求政治其失一也故曰溫帶之民政治進步寒熱二帶之民政治無進步山國多高山峻嶺屹立雲表其民因之有高尙之志氣宏闊之感情雖然而成一獨立之國故於政治上爲分權如希臘瑞士是也平野之國無山谿之險平原萬里一望無際其民因之具團結之能力高集台之性質雖然而成大一統之帝國故於政治上爲集權如德意志俄羅斯是也故曰山國之民多分權平野之民多集權沿海線長則

時事采錄彙選第四卷 木 乙巳四月十七日刊

運輸活動交通便利使其民習風濤愛遠遊有冒險進取之性而思想能力因之活潑沿海線短則運輸滯塞交通艱阻其民守田園愛鄉井有畏難保守之性而思想能力因之膠固故曰沿海線長之國文明之發達速沿海線短之國文明之發達遲國土過沃則於國之生存有害國土過瘠則於國之發生亦有害此德儒耶特羅政治學之說也請申言之蓋地當溫帶則其人民神經活潑故能達高度之文明營完美之政治試觀於歷史則夫留威名於青遼雄飛於宇內者大率位置於平均八度至十六度溫帶之中如德京柏林九度一分法京巴黎十度八分東京京都皆在是度一府七分東京華盛頓十二度五分日本東京十二度八分英京倫敦八度八分與京維也納若夫寒熱過度之地則其人民神

爲今日之社會者其于氣候地形地質三者之中幸有絲
來矣韋孟二氏之言豈不信哉

中國其居溫帶其域平野其沿海線介長短之間其國土
饒沃國土沃故百穀草不易華易實而民人之嬉遊於國
門者累沿海線介長短故有創生文明之力而無發揚又
明之力而終古之羣治在乎不進不退之間平野多故自
秦以來卽成一統之形而閉關自大常守此中央集權一
成不變之局此神州之現象固於邦氏之所云云若無一
之不合者矣雖然帶等溫也在歐洲則政治之進步長足
而突飛在中國則泯泯焚焚數千年於政治上無絲毫之
進步其故何哉豈哲儒之學說有時而不信乎以信於
時事采新彙選第四卷

七 乙巳四月十七日刊

彼而不信證乎抑亦其宗教示法人心風俗之間之爲害
梗也鄧子曰是有說焉孟德斯鳩曰寒帶之民其腠理
密而筋系之韌性亦增既密且韌故血之周流易以速熱
帶之民反是陽氣發越其系弛縱是故助緩體柔而精力
減中國之與歐洲諸國固同居溫帶也顧歐國地地隣於
北而與寒帶近中國則地隣於南而與熱帶近是故中國
之政教風化反與波斯突厥印度暹羅緬甸大略相同而
與英俄法德奧意大異中國之俗尙父而歐人尙武中國
人主持靜保守而歐人主冒險進取中國人委天運任自
然而歐人重力行貴自治中國人增鶯衆而歐人嗜酒中
國人之樂方多在閨闈歐人之樂方多在壯遊敗獵蓋歐
人隣於北而性近陽中國人隣於南而性近陰陽以其

民慷慨激昂而有進取獨立之風性陰故其民輕脫繭委
而有奴隸下人之性大酒陽物也鶯衆陰物也遊獵陽事
也閨闈陰事也乃觀於吾社會則車簾深幕修夜一簋十
人而五六勞形牀第疲精敝神十人而七八長此陰陰皆
昏以釀成此沈晦悲鬱之社會起而視其民則有憂色而
無喜色有女性而無男性有鬼道而無人道有奴德而無
主德其宗教也則重儒使人窮老罷氣莫究其業其政治
也則深文密網使人重足側目跬步有禁其風俗也則信
神惑大使人昏迷失守常有神鬼降鑒之懼以是之故而
人民之性質乃柔而不剛沈而不揚靜而不動圓而不方
以情絲優遊爲至樂以用心作事爲至苦審甘受他人之
時事采新彙選第四卷

八 乙巳四月十七日刊

束縛壓制鞭撻虜使而不欲發奮自立強力自繇以稍振
耗其毫末之心力如此之民而語以革命立憲自治獨立
之壯圖惟有掩耳疾走掉頭不顧已耳是故歐人之變法
也則變以血變以淚變以頭顱變以心膽變以刀變以兵
變以七首爆烈彈中國人之變法也則變以議論變以文
字變以談笑變以筆墨變以紙片變以電爭變以腳靴手
版嗚呼神州之變法如是人心風俗如是則其於政治上
之進步復奚望乎雖變之千百年其於今日之中國又何
以異此美儒韋爾生所以惜其停滯而不進注儒孟德斯
鳩所以譏其不變以終古也丁尼孫之詩曰掛帆滄海風
波茫茫或淪無底或達仙鄉二者何擇將然未然時乎時
乎吾奮吾力不踈不難丈夫之心凡吾黃民一誦斯言

光緒三十一年四月十八日

工部鴻臚寺正監旗值日 吏部引

名 趙爾巽左紹佐預備 召見

召見軍機 趙爾巽 左紹佐

見七十九

諭旨恭錄

光緒乙巳四月十八日

川督札營務處知照健為匪亂文錄時報

為札知事案據管帶續備右軍左營武進士朱登五署嘉定府隄為縣知縣李令端概稟稱竊卑縣匪徒自鐵山嘯聚起事隨即分股擾及舞雩場並稱將僕縣城富經卑賊兩次飛稟憲台暨本府請兵拿辦在案詎匪等將到舞雩場後因聞縣城有備旋又折而之他連日亂黨四應紛紛糾聚每到一處輒將學堂打毀並殺團保首人擄其婦械舞雩場保正王潔光暨三耳塘保正袁洪儀之家屬均已被殺至二月初四有匪五百餘人在石板溪地方聚集搶擄並將駐紮該地之安定營防勇暨過路之籍川營砲船一律攻敗槍械旗幟概被擄去砲船哨弁史恪之長夫楊時事采新彙選第四卷

乙巳四月十八日刊

占榮均被戕斃命正在肆行殺擄適標下由嘉定防隊准嘉定府福守潤移令赴縣查拿於是日傍晚率隊四十人乘筏行抵該處匪相遇隨即上岸圍拿匪見官兵驟至猝不及防頗形失措標下乘勢攻擊登時擄獲匪等數十人又陣斬三人生擒二人奪獲大銅砲一尊火藥一百餘頭紅巾二十餘幅紅綢符籙二張旗幟十餘桿餘眾散先是標下于接准福守移知後即派哨弁李清廷立率二十餘人星夜先發一面自帶後隊馳赴李清廷甫抵卑縣即有匪數百踞距于城二十餘里之牛心山四出擄掠並將附近之石梯崖地方居民石國珍等父子三人一並殺斃經李清廷馳往擊拿匪率其眾四面來攻該弁所帶僅

二十餘人眾寡懸殊且時在昏夜幾為所敗奮力抵禦慶戰至數時之久轟斃匪等二十餘人生擒一人奪獲鬼怪圖畫二張刀械多件至初六日突有大股匪徒一千餘人由距城二十餘里之鎮江渡過河前來撲城砲聲隆隆旗幟被野先是卑職因城守空虛曾就近約有駐紮卑縣公姑港保護鹽岸之安定營哨弁羅昌選率所部二十人來城協守茲即同該營弁勇暨卑縣團紳黃文奎李壽齡上城守禦是時標下隨身所帶僅數十人續調之隊尚未到健兵力太單難期抵敵而闖城之人哭聲鼎沸危在須臾只得激勵士卒出城迎擊拚力死戰以期上酬知遇下顧民命初在距城數里之鳳皇山接仗匪等土砲極多其勢時事采新彙選第四卷

二

乙巳四月十八日刊

兇悍猛戰移時轟斃悍匪六七十名陣斬九名生擒二名餘眾方散正將收隊旋又有匪數百人從城西之宣武山包抄前來槍聲震地將襲我軍之後經標下麾軍轉戰槍砲環施匪等稍退第賊勢太眾各弁勇身帶槍彈又將用罄而鳳皇山擊散之賊復聚前來正虛不敵適卑營哨弁徐國珍楊萬福晏鴻陞盛鴻鈞楊占元等由郡率勇二百名來縣先在距城十五里之唐壩口與匪接仗轟斃數十人得勝繼至不期而遇兩面夾攻力戰兩時之久共轟斃悍匪三百餘人內有塗面及身著廟神蟒衣匪首數人又陣斬三十餘匪生擒十餘名奪獲拾砲十餘尊帥字大旗二桿裹頭紅巾刀叉符錄無數餘匪四竄因天色已晚不

能窮追當匪眾敗北時定營哨弁羅昌選卑縣團紳黃文奎因見卑營大捷亦由城截殺逸匪各有斬獲所獲各匪均身懷符錄頭裹紅巾因賊勢方張不敢留禁已由卑職訊明斬首梟示

是役也標下以有限之師勝數千之賊是皆仰託憲台威福下賴士卒用命所致誠非初願所及其奮勇當先力戰獲勝者以卑營哨弁徐國珍楊萬福差弁楊占元為最哨弁晏鴻陞盛鴻鈞差弁李清廷劉得勝廖錫昆蒙有恒黃萬玉高天祥王廷權次之惟是匪等勾結甚廣股頭甚多此處擊散彼處又聚並無一定頭目據擒獲各匪供稱伊等但能咒水傳徒即自為一股現在已有十餘股每股人時事采新彙選第四卷

三

乙巳四月十八日刊

數多寡不等散在犍為及附近各州縣原約本年三月乘犍為城隍會齊集起事因被訪聞查拿事機已洩遂即先發等語現雖受此創仍然四處蜂起或分踞山寨或騷擾場市多則千人少亦數百遍向地方富戶勒索銀錢穀米號曰借餉有不允者則挺而殺之並廣集鐵工打造刀炮且時時聲稱將糾結大股再撲縣城城內兵械兩缺各處鄉團既須各保本境即前日之已經調到者亦因匪四擾各請回救其鄉情詞迫切不能不允標下帶到之勇自須四出防捕斷不能驟顧城中城守空虛刻刻可慮且無絲毫之款以辦城防及一切用兵之費卑職查卑縣城內官小學堂經費尙充自有匪警各學生均已自行散去又眠

捐搭捐兩款共有數百金未解迭據地方紳民請將此數款提辦城防軍需以救眉急卑職以承平之日自以興學為先今值匪氛張自以平亂為急況學堂經費本由紳民捐集自應移緩救急提作城防軍需之用且侯匪亂平後再議學堂之事至賑搭兩款本由民捐今值事機危迫辦防無費亦只得從權挪用惟學堂之款係出自田租稅底煙釐等項尙待陸續收不能立集而城防經費難緩須臾不得已暫以卑縣徵存之酒稅及新加肉釐兩款墊用俟學費收得卽行歸還申解應請行知藩司暨釐金局暫緩催解至賑搭兩款亦請行知籌賑局准其提出容事竣再將用數具報至此項費用概交承辦城防紳士經管時事采新彙選

第四卷

四

乙巳四月十八日刊

不沾官吏之手查此次作亂之匪牛係土人如現籌之費再有不敷擬飭紳富籌墊事平查封叛匪產業變價歸還抑卑職更有請者卑縣城內空虛需兵防守且客軍遠來不悉山川路徑而匪等則出沒無定聚散無常非有土勇嚮導不可當由卑職暫募土勇七十名每名月給口糧銀三兩六錢商明標下派弁管領月給該弁薪水銀二十兩皆由城防款內開支事竣卽撤惟所需鎗礮應請憲台飭下籌餉局暫借後膛快槍四十桿洋抬砲八桿多配子藥發交卑縣專紳李鑫齡承領回縣以資應用事竣仍卽繳還又卑縣各城團保亦欲請領前膛洋砲二十桿洋火藥二十桿銅冒火一萬四千顆腳盆火三千顆鉛彈六千顆

又另請毛瑟碼子馬梯泥碼子各二千顆以備防匪之用此項需價若干請飭局核明行知下縣如數照繳惟途長器多應懇就省飭派營勇偕同卑縣所專之紳押運下縣以免疎虞至各處聚集之匪現經卑職出示曉諭設法解散並飭嚴首要免究脅從如有負固不散者由標下進兵圍拿隨時稟報除所請槍砲已另備正副印領交紳齎赴籌餉局投遞聽候批准給領外理合稟請察核示遵等情據此當經本督部堂批據稟已悉該管帶迅赴戎機策勵弁勇以寡勝衆洵屬奮勇可嘉前已電飭賞給該營銀五百兩並將擊敗石板溪匪股之弁勇賞銀一百兩在案現計柴樊兩統領各率所部暨前軍撥調營哨均已先後

時事采新彙選

第四卷

五

乙巳四月十八日刊

到縣該匪負隅抗拒乘此大兵雲集正可一鼓殲擒惟務須遠防近攻兜圍痛剿將首要各匪悉數斬獲毋令或有竄逸別滋擾害一面查明在逃匪首按名搜拿懲治以期淨絕根株仰即稟商柴統領等奮迅辦理勿得以匪已擊散希圖敷衍了事致留餘孽該令身任地方倘有貽誤本部堂尤不能曲予寬貸也所稱鄉團各須回境城防空虛自係實情請將小學堂經費暨賑捐搭捐等項暫先借充軍需應予照准惟務須嚴實開支事後方准造報請領鎗砲子彈並候札飭籌餉局迅速照數給發撥勇協同來紳解回應用以資守禦而利戎行切切繳除批印發並分行外合就札行爲此札仰該處卽便一體知照特札

美國限禁華工案 錄天津日日新聞

紀者曰美國限禁華工日益加嚴至於不分商旅夫豈文明國之公道哉會歐斐倫禁工論而附對付之策三重在平和抵制處強權世界已不如人固亦無可如人何也設使中國能自興工業則在美之工不妨招回往非之工安肯簽約蓋鑑美今日之禁惟恐不力即昔日之招惟恐不足將來南非亦猶是焉昔美以白人不能爲者令華人爲之今英並以黑人不能爲者令華人爲之何嘗以人類視華人直牛馬視華人耳牛馬勞苦人且憐惜同是人類任人如此賤侮而政府絕不爲之據理爭辨猶憶中美商約未定時梁公使稟報商部請乘訂約以爲協商堅持之機時事采新彙選第四卷 六 乙巳四月十八日刊

會痛乎詳哉其言之遲之又久顧何如試錄原文查光緒六年十月十五日在北京所訂中美續約第一款尙以整理華工爲詞並申明並非禁止前往字樣下文云係專指華人續往美國承工者而言夫曰承工承做美國人民之工也其自行作工者初不在禁例可知至光緒二十年二月十一日楊前大臣會訂禁工條約六款語氣渾含遂爲美政府種一苛例之依據其有必應修改者三必應申訂者三

第一款云禁止華工並未聲明某等某等之工人格未限定遂致影射今美政府之肆意羅織盡包僑氓在工字之內者以此亟宜重加聲訂列爲表式凡不合此格者均不

得禁第三款云不與官員傳教學習貿易遊歷諸華人利益妨礙將工字之外分列五種人格美政府遂指此又爲定案五種人之外概目爲工黨欲求詳審轉授以柄亟宜刪除此句聲明不與某工某工以外諸華人利益妨礙字樣以清界限第三款云華工假道美境須遵守美政府隨時酌定章程厥後苛例日出皆由隨時酌定四字爲之虎俾厲階所自言之可痛亟宜刪除此句或詳度事理改爲美政府某年月日所定某某章程此則須臨時酌核萬不可草率定議者也以上爲梁公使請應修改者第二款云寓美華工來往華美將情報明該處稅務司領憑以爲登岸之證今乃於領憑時多方挑剔動須經旬特時事采新彙選第四卷 七 乙巳四月十八日刊

據回美時又復拘禁木屋守待審訊此則恢復權力於原約之外第三款云例准來美華人由出口處領事簽名爲據今乃於入境時動拘稅關木屋之中經旬累月始行提訊供詞抵牾即行撥回以領事爲不足憑以原約爲不足據合例華人視若罪囚第五款云爲保護華工起見均須註冊查此所云註冊係專指華工而言其餘僑氓不在此例今乃有查冊之舉不問是工與否無冊者概行驅禁逮捕夫禁工禁未來之工也茲乃及在美之工並及在美之並非工人而概予驅之尤與原約文義大相背謬以梁公使請應申訂者又曰工與商實相附麗有製造品而後有市業工禁日嚴

商情日困商不能離工以獨立也明甚今宜禁下等之工而上等之工不與也今宜禁受傭美人之工而自行製造之工不與也今宜禁未入美境之工而業經在美之工不與也如此設法較為鬆動否則華工絕則華商亦無以自存舉數十萬之僑氓進退失據一網打盡後患且不可收拾矣且查本年八月十八日在上海所訂中美商約其第九款於中國人民在美國境內得獲保護商標之利益等語其第十款有美政府允中國人民將創製之物在美註冊發給創造執照以保利權等語夫曰商標曰創製之物其為製造之華工可知其曰在美保護商標曰在美註冊發給創造執照其為美政府許華工在美製造可知此斷時事采新彙選第四卷

八 乙巳四月十八日刊

不能強目為專指商而言也就此約乘間立論以矛刺盾更為確證而況新約所訂裁撤釐卡添開商埠設立關棧給予商標與美國以種種利益無非為顧全邦交起見值此新約初定尚未用實之際將禁工一事即與提議以此抵彼較易轉圜失今不圖後日更難著手矣

今則機會已去續約將屆吾不知舍此平和抵制如中國人相戒不用美貨一策外政府尚有抵制之策否耶雖然吾殆言於三年前此三年間有保工商之責者或者策較善於吾竊願見其施行也往不可諫來猶可追勿使再閱數年仍錄梁使之說與吾輩之見依然如昔然而禁例苛嚴已無餘地矣

光緒三十一年四月十九日

內務府國子監廂監旗值日無引 見 榮普謝

授江蘇揚州府知府 恩 陳璧因伊子准其留

部謝 恩 前工部侍郎盛宣懷到京請 安

關防衙門奏初五日 大高殿拜表恭王行禮

召見軍機 榮普 盛宣懷

旨分發直隸道張文濬江蘇道虞和德何誠章李鴻猷陝

西道徐培浙江道陳翼棟湖南道惲毓珂廣西道段藩

江蘇知府楊毓嵩山東知府熙臣浙江知府劉慶齡山

西同知孫卿裕直隸直隸州知州程文浚河南直隸州

知州梁旭培直隸知州張昂仲山東知州梁秉厚四川

諭旨恭錄 光緒乙巳四月十九日

知州黃秉衡浙江鹽運副羅永祺吉林通判李樹恩江

蘇通判張兆桂河南通判趙之基王承三浙江通判陳

鴻銓福建通判萬選青山東直隸州州同魏應驥直隸

知縣劉宗泰傳維屏周翼雲江西知縣桂森安徽知縣

李文斛山東知縣吳墳董堪廣西知縣馮銓四川知縣

謝汝銀直隸知縣孫家瑜江西知縣胡雲程趙家璧魏

慶熙安徽知縣熊恩霖山東知縣福臻白璞臣河南知

縣王潤廷郭寶清劉大升謝璆羅鑑陝西知縣曾光祥

譚祖琪浙江知縣王慶芝李澤臣王助閣汪志方李宗

義江西知縣王念祖湖北知縣周維翰湖南知縣董島

四川知縣趙芝年蔣守恕廣東知縣宋席珍浙江鹽大